

Zarma - Laalo Milla Tira Hanney - Bad Mind Scriptures

Genèse 26:35 Ngey mo ciya bine saray hariyaŋ Isaka nda Rabeka se.

Deutéronome 28:65 Dumey din game ra mo ni si du laakal kanay kulu, ni si du fulanzamay kulu mo ni ce taamo se. Zama hala noodin Rabbi ga ni no bine jijiriyaŋ, da mo kubay-kubay, da bine ra karhã.

Ruth 1:18 Waato din gaa no Neyomi bay kaŋ Ruta na bine sinji nga banda koyyaŋ se, gaa no a mana salaŋ a se koyne.

2 Samuel 17:8 Husay ne koyne: "Ni ga ni baaba bay, nga nda alborey kaŋ yaŋ go a banda, kaŋ wongaariyaŋ no, boro beeri yaŋ mo no. I goono ga maa konni mo ngey fundey ra sohõ, danga urs kaŋ i fay da nga izey saajo ra. Ni baaba mo wongaari no, a si kani borey banda.

Proverbs 21:27 Boro laalo sargayey ya fanta hariyaŋ no, Sanku fa saaya kaŋ a kand'ey da miila laalo.

Proverbs 29:11 Saamo ga nga bina kulu ci, Amma laakalkooni wo g'a naan ka gaay.

Ezékiel 23:17,22,28 Babila borey binde kaa a do a baakasinay daaro boŋ. I n'a ziibandi nda ngey kaaruwatara, hal a ziibi i do, woodin banda a bina fun i ciine ra. 22 Woodin sabbay se no, ya nin Oholiba, yaa no Rabbi, Koy Beero ci: A go, ay ga ni baakoy din daŋ i ma gaaba da nin, ngey kaŋ ni bina fun i ciine ra. Ay g'i candi ka kande ni gaa ka fun kuray kulu. 28 Zama haŋ kaŋ Rabbi, Koy Beero ci neeya: A go, ay ga ni daŋ borey kaŋ yaŋ ni bina wangu kambe ra, ngey kaŋ yaŋ ni bina fun i ciine ra yaŋ kambe ra.

Ezékiel 36:5 Yaa no Rabbi, Koy Beero ci: Hacıika ay canse korna ra ay salaŋ ka gaaba nda dumi cindey, da Edom kulu mo, ngey kaŋ n'ay laabo di k'a ciya ngey mayray hari. I goono ga farhã ngey biney ra gumo, da donda-caray ngey biney ra, zama ngey m'a ciya wongu arzaka.

Ezékiel 38:10 Yaa no Rabbi, Koy Beero ci: A ga ciya han din, saaware yaŋ ga furo ni bina ra. Ni ga dabari laalo soola te.

Daniel 5:20 Amma saaya kaŋ a te boŋbeerı, a hanga sandi mo hal

a na nga bon jare, saaya din Irikoy n'a tumbi nda nga koytara karga, a n'a darza ta a gaa.

Luc 12:29 Aran ma si ceeci han kan aran ga nwa da han kan aran ga han, wa si karha mo.

Actes 12:20 A go no, a te bine gumo da Tir da Zidon borey. Waato kan i hin Balatusu kan ga ti koyo kwaara ize, i kaa Hirodus do da bina follon. I goono ga laakal kanay ceeci, zama i laabo goono ga du nwaari koyo laabo ra.

Actes 14:2 Amma Yahudancey kan wangu ka gana na dumi cindey zuje k'i biney biibandi nya-izey gaa.

Romains 1:28 Zama boro si ciya Yahudance da taray alhaali hinne bo. Dambanguyan mo, manti gaaham ra taray wane hinne no.

Romains 8:6,7 Adam-ize daa laalo miila ganayan ya buuyan no, amma Biya _Hanno_ miila ganayan ya fundi nda laakal kanay no. 7 Zama Adam-ize daa laalo miila ya ibaretaray no Irikoy se, zama a siino ga Irikoy asariya gana, a si baa hin k'a te mo.

Romains 11:20 To, i cimbeeri-jana sabbay se no i n'i kaa. Ni mo, ni cimbeero do no ni goono ga goro. Kala day ma si te bonbeeray, amma ma humburu.

2 Corinthiens 10:5 Iri go ga borey lasaabey zeeri, da han kan ga beeri kulu kan i n'a beerandi a ma gaaba nda Irikoy bayra. Iri go ga fonguyan kulu dan tamtaray ra i ma Almasihu gana.

2 Corinthiens 11:3 Amma ay ga humburu hal a ma si ciya, mate kan cine gondo na Hawa halli nda nga carma, yaadin cine no aran laakaley ma bare ka fun cimo da hananyan gaa kan aran gonda Almasihu ra.

Ephésiens 2:3 I game ra mo iri kulu n'iri gora te don, iri bine ibaay laaley ra. Iri goono ga bine ibaay d'iri fonguyaney gana. Iri zunubi daa kan iri hay d'a sabbay se mo iri ciya boroyan kan se Irikoy bine ga tun, danga boro cindey cine.

Ephésiens 4:17 Woodin se no ay goono ga woone ci, ay goono ga seeda mo Rabbi ra: aran ma si ye ka dira sanda mate kan dumi cindey ga dira ngey miila yaamey ra.

Colossienses 1:21 Waato aran ya mebarawyan no Irikoy se, aran ya a ibareyan mo no aran laakaley d'aran goy laaley ra.

Colossienses 2:18 Boro fooyan go no kan ga maa kaani ka ngey bon kaynandiyan alhaali cabe ka sombu malaykey se. Wa si nan borey wo dumi m'aran zamba k'aran zaamayan alhakko

zay. Borey din goono ga kay _bangayyaney|_ kan ngey di ra. I ga ngey bon beerandi sabaabu si, ngey Adam-ize lasaabey bon.

1 Thesaloniciens 5:14 Amma aran wo, nya-izey, manti kubay ra no aran go, hala zaaro din m'aran jirsi danga zay cine.

2 Thesaloniciens 2:2 aran ma si zinji nda waasi aran laakaley ra. Aran laakaley ma si tun mo biya fo fahamandiyan sabbay se, wala sanni fo sabbay se, wala tira kan i ne, way, a fun iri do sabbay se, kan ne, way, Rabbi zaaro jin ka kaa.

1 Timothée 6:5 da kakawey kan si ban, kan yan fun borey kan laakaley sara yan do. I si cimi bay koyne. I ga tammahã kan Irikoy ganayan ya riiba ceeciyan fondo no.

2 Timothée 3:8 Mate kan cine Yannisu nda Yambirisu murte Musa gaa, yaadin mo no borey din goono ga murte cimo gaa. Boroyan no kan laakaley sara gumo. Boroyan no kan i mana yadda nd'ey, zama i cimbeero manti cimi wane no.

Tite 1:15 Hay kulu ga hanan fundi hannokoyey se, amma borey kan ga ziibi, kan si cimandi mo, hay kulu si hanan i se. Amma i laakaley d'i bine lasaabey kulu ga ziibi no.

Hébreux 12:3 W'a guna, nga kan suuru nda zunubikooney gaaba kan dumi i te a se, zama aran ma si farga ka yangala aran biney ra.

Jacques 1:8 za kan bine-hinka-koy no, kan si kay nga fondey kulu ra.

**Pastor T. John Franklin
Church of Salvation, Healing, and Deliverance
COS-HAD.org**